

**OPĆINA OLOVO**  
**OPĆINSKO VIJEĆE**

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13) i Odluke Općinskog vijeća Olovo o utvrđivanju kriterija za imenovanje u reguliranim tijelima općine Olovo, nadzorni/upravni odbori u javnim preduzećima i javnim ustanovama broj: 01-01-3-1692/13 od 04.06.2013. godine, Općinsko vijeće Olovo, o b j a v l j u j e

**P O N O V N I J A V N I K O N K U R S**  
**za izbor i imenovanje predsjednika**  
**i članova Skupština javnih preduzeća**

**I – Predmet javnog konkursa (Naziv pozicije)**

Raspisuje se javni konkurs za izbor i imenovanje predsjednika i članova skupština javnih preduzeća kojima je osnivač Općinsko vijeće Općine Olovo i to:

- 1. SKUPŠTINE JKP „BIOŠTICA“ d.o.o. Olovo** (predsjednik i dva (2) člana)
- 2. SKUPŠTINE JP „VETERINARSKA STANICA“ OLOVO** (predsjednik i dva (2) člana).

**II – Opis upražnjene pozicije (Opis pozicije članova Skupština)**

Skupština JKP „Bioštica“ Olovo nadležna je da:

- donosi statut preduzeća, izmjene i dopune statuta, te druge opće akte preduzeća,
- odlučuje o raspodjeli godišnje dobiti,
- odlučuje o načinu pokrića gubitka,
- odlučuje o povećanju i smanjenju osnovnog kapitala,
- odlučuje o osnivanju novih preduzeća,
- odlučuje o planu poslovanja preduzeća,
- odlučuje o trajnoj poslovnoj saradnji, odnosno povezivanju sa drugim preduzećima,
- donosi etički kodeks preduzeća,
- odlučuje o imenovanju i razrješenju Nadzornog odbora,
- odlučuje o imenovanju i razrješenju Odbora za reviziju,
- usvaja godišnji izvještaj preduzeća, koji uključuje finansijski izvještaj i izvještaj revizora, Nadzornog odbora i Odbora za reviziju,
- odlučuje o promjeni oblika i podjeli preduzeća,
- odlučuje o naknadama članovima Nadzornog odbora i Odbora za reviziju,
- odlučuje o spajanju s drugim društvima i pripajanju drugih društava preduzeću,
- odlučuje o prestanku preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije,
- odlučuje o poslovniku o radu Nadzornog odbora i Odbora za reviziju,
- odobrava trogodišnji plan poslovanja, odnosno odobrava revidirani plan poslovanja,
- odlučuje o ostvarivanju zahtjeva preduzeća prema članovima Uprave i Nadzornog odbora u vezi sa naknadama štete nastale pri osnivanju, kupovini ili vođenju poslovanja preduzeća,
- podnosi izvještaje o radu i poslovanju preduzeća Općinskom vijeću jednom godišnje,
- daje saglasnost Nadzornom odboru za izbor i imenovanje direktora preduzeća,
- odlučuje o cijeni usluga, na prijedlog Nadzornog odbora, a po pribavljenoj saglasnosti osnivača - Općinskog vijeća,
- odlučuje o drugim pitanjima utvrđenim zakonom i ovim Statutom.

Skupština JP „Veterinarska stanica“ Olovo nadležna je da:

- donosi statut preduzeća, izmjene i dopune statuta,
- odlučuje o raspodjeli godišnje dobiti i pokriće gubitka,
- odlučuje o osnivanju novih preduzeća,
- odlučuje o planu poslovanja, investiranju i trajnoj poslovnoj saradnji, odnosno povezivanju sa drugim preduzećima, etičkom kodeksu i Poslovniku skupštine,

- odlučuje o imenovanju i razrješenju Nadzornog odbora i Odbora za reviziju,
- odlučuje o usvajanju godišnjeg izvještaja preduzeća koji uključuje finansijski izvještaj i izvještaj Nadzornog odbora i Odbora za reviziju, ostalim pitanjima u skladu sa Zakonom o privrednim društvima, Zakonom o javnim preduzećima, osnivačkim aktom i Statutom preduzeća,

### **III – Mandat**

Mandat predsjednika i članova skupštine je 4 (četiri) godine, sa mogućnošću ponovnog imenovanja najviše u dva uzastopna mandata.

Predsjednika i članove skupština naprijed navedenih javnih preduzeća u ime osnivača, a na osnovu provedene konkursne procedure imenuje i razrješava Općinsko vijeće Općine Olovo.

### **IV – Opći uslovi**

Kandidati koji se prijave za poziciju predsjednika i člana skupština javnih preduzeća moraju da ispunjavaju sljedeće opće uslove:

1. da su državljani Bosne i Hercegovine,
2. da su stariji od 18 godina,
3. da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini ( bilo na nivou države ili entiteta ) u periodu od tri godine prije dana objavljivanja upražnjenih pozicija,
4. da se na njih ne odnosi član IX. 1. Ustava Bosne i Hercegovine, odnosno da nije pod optužnicom Međunarodnog suda za ratne zločine u bivšoj Jugoslaviji,
5. da nisu osuđivani za krivično djelo i da se protiv njih ne vodi krivični postupak i privredni prijestup koji predstavlja smetnju za imenovanje na upražnjenu poziciju, odnosno da im odlukom suda nije zabranjeno obavljanje aktivnosti na poziciju za koju se kandiduju,
6. da nisu stariji od 65 godina,
7. da nisu na dužnosti u političkoj stranci u smislu člana 5. Zakona o ministarskim, vladinim i drugim imenovanjima u FBiH („Službene novine FBiH“, broj: 34/03),
8. da nisu članovi tijela zakonodavne, izvršne vlasti ili savjetnici u smislu odredaba Zakona o sukobu interesa u organima vlasti Federaciji BiH („Službene novine FBiH“, broj: 70/08),

**Lični podaci o podnosiocima prijave iz tačke 5. općih uslova prikupljat će se službenim putem shodno Zakonu o zaštiti ličnih podataka u BiH.**

### **V - Posebni uslovi**

Kandidati koji se prijave za poziciju predsjednika i člana skupština javnih preduzeća pored općih moraju da ispunjavaju sljedeće posebne uslove:

1. da imaju najmanje višu stručnu spremu, s tim da je poželjno da kandidati imaju visoku stručnu spremu pravnog i ekonomskog smjera i stručnu spremu iz oblasti koja je srodna osnovnoj djelatnosti preduzeća.
2. da imaju najmanje tri (3) godine radnog iskustva,
3. da kandidat posjeduje sposobnost za savjesno, odgovorno i odlučno obnašanje pozicije, dokaz: ocjena sa intervjua,
4. da kandidat posjeduje sposobnost nepristrasnog donošenja odluka, komunikacijske i organizacijske sposobnosti, dokaz: biografija i ocjena sa intervjua,
5. da kandidat posjeduje pozitivne rezultate rada ostvarene tokom poslovne karijere, dokaz: slobodan izbor kandidata.

Ocjena kandidata koji ispunjavaju opće i posebne uslove utvrđene tačkama IV i V konkursa izvršit će se na osnovu stepena i profila stručne spreme, kao i radnog iskustva, a nakon obavljenog intervjua sa kandidatima, izvršit će se ocjenjivanje kandidata u pogledu:

- komunikativnih i organizatorskih sposobnosti,
- minimuma znanja o organizaciji i djelatnosti preduzeća
- sposobnost savjesnog i odgovornog obavljanja upražnjene pozicije,
- sposobnost nepristrasnog donošenja odluka,
- naklonjenost timskom radu.

## **VI – Potrebni dokumenti**

Kandidati su dužni uz prijavu, koja sadrži kraću biografiju, adresu i kontakt telefon, priložiti sljedeću dokumentaciju:

1. uvjerenje o državljanstvu,
2. izvod iz matične knjige rođenih,
3. diplomu o stečenoj višoj ili visokoj stručnoj spremi,
4. uvjerenje o radnom iskustvu nakon sticanja više ili visoke stručne spreme,
5. ovjerenu izjavu o ispunjavanju uslova iz tačke IV, podtačka 3.,4.,7. i 8. konkursa,

Dokumenti kojima se dokazuje ispunjavanje općih i posebnih uslova ne mogu biti stariji od šest (6) mjeseci. Dokumenti koji se prilažu uz prijavu moraju biti dostavljeni u originalu ili ovjerenoj fotokopiji.

## **VII – Dodatna pojašnjenja**

Javni konkurs će biti objavljen u „Službenim novinama Federacije BiH“ i dnevnom listu „Oslobođenje“, a bit će otvoren 15 dana od dana objavljivanja, računajući od dana posljednjeg objavljivanja.

## **VIII – Ostale napomene**

**Svaki kandidat koji se prijavi na ovaj konkurs dužan je u prijavi i na koverti sa dokumentima naglasiti oznaku za koju Skupštinu javnog preduzeća se prijavljuje.**

**Ukoliko kandidat na koverti ne naznači oznaku skupštine javnog preduzeća na koju se kandiduje, takve koverta neće se otvarati, odnosno prijave se neće razmatrati.**

Neblagovremene i nepotpune prijave neće se razmatrati.

Prijave se mogu slati putem pošte ili direktnom predajom na protokol u šalter sali Općine Olovo.

Prijave za Javni konkurs dostaviti u zatvorenoj koverti na sljedeću adresu:

**OPĆINA OLOVO**  
**OPĆINSKO VIJEĆE**  
**Ulica Branilaca bb, 71340 Olovo**

sa naznakom:

**„PRIJAVA NA JAVNI KONKURS  
za člana Skupštine JKP „Bioštica“ d.o.o. Olovo ( NE OTVARAJ)“ ili**

**„PRIJAVA NA JAVNI KONKURS  
za člana Skupštine JP „Veterinarska stanica“ Olovo ( NE OTVARAJ)“**

Komisija će na osnovu javnog konkursa uz poštivanje principa utvrđenih Zakonom sačiniti rang listu kandidata za predsjednike i članove skupština javnih preduzeća, na osnovu koje će Općinski načelnik utvrditi prijedlog odluka o imenovanju i dostaviti ih Općinskom vijeću radi konačnog imenovanja predsjednika i članova skupština javnih preduzeća kojima je osnivač Općinsko vijeće Općine Olovo.

Broj: 01-01-3- 1407-1/17  
Datum: 30.01.2018.godine

PREDSJEDAVAJUĆA  
OPĆINSKOG VIJEĆA

**Enida Brkić, dr.med. s.r.**